

Қорақалпоғистон Республикаси
автомобиль йўллари бош
бошқармасининг
2025 йил 21-ноябрдаги
137-О-сон буйруғига
5-илова

**Қорақалпоғистон Республикаси автомобиль йўллари бош бошқармаси
алоқа каналлари орқали коррупциявий хатти-ҳаракатлар тўғрисида
келиб тушган хабарларни қабул қилиш ва кўриб чиқиш
РЕГЛАМЕНТИ**

1- боб. Умумий қоидалар

1. Мазкур Регламент коррупцияга қарши курашиш, манфаатлар тўқнашувини аниқлаш ва тегишли таъсир чораларини кўришга қаратилган чора-тадбирларнинг самарадорлигини ошириш мақсадида ишлаб чиқилган.

2. Мазкур Регламент коррупцияга оид ҳаракатлар ҳақида ахборот бериш учун алоқа каналлари ишлашининг асосий тамойилларини, шунингдек, хабарларни қабул қилиш, уларни рўйхатдан ўтказиш ва келиб тушган хабарларга муносабат билдириш тартибини белгилайди.

3. Мазкур Регламентда қуйидаги асосий тушунчалар қўлланилади:

мурожаатчи - коррупцияга оид ҳаракатлар тўғрисида ахборот бериш учун алоқа каналлари орқали Бош бошқарма тизими ташкилот ва корхоналарига мурожаат қилаётган ҳар қандай жисмоний ва (ёки) юридик шахс, жумладан, Бош бошқарма тизими ташкилот ва корхоналари ходимлари;

Call-center - Бош бошқарманинг (61) 225-12-75 ёки (61) 225-17-52 ишонч телефониغا келиб тушаётган мурожаатларни марказлаштирилган ҳолда қабул қилиш, тўплаш, таснифлаш ва тизимлаштириш, шунингдек, уларни тўлиқ, ўз вақтида ва сифатли кўриб чиқирилишини мониторинг қилиш имконини берувчи тизим;

манфаатлар тўқнашуви - шахсий (бевосита ёки билвосита) манфаатдорлик Бош бошқарма тизими ташкилот ва корхоналари ходимининг мансаб ёки хизмат мажбуриятларини лозим даражада бажаришига таъсир кўрсатаётган ёхуд таъсир кўрсатиши мумкин бўлган ҳамда шахсий манфаатдорлик билан Бош бошқарма тизими ташкилот ва корхоналарининг ҳуқуқлари ва қонуний манфаатлари ўртасида қарама-қаршилиқ юзага келаётган ёки юзага келиши мумкин бўлган вазият;

коррупцияга оид ҳаракатлар - ходим томонидан пора берувчининг манфаатларини кўзлаб ҳаракат ёки ҳаракатсизлиги учун бевосита ёки

билвосита, шахсан ёки учинчи шахслар орқали порани яъни пул, қимматбаҳо қоғозлар, бошқа мол-мулкни, мулкӣ тусдаги хизматларни, бошқа мулкӣ ҳуқуқларни олиш, талаб қилиш, таклиф қилиш, ваъда қилиш ва бериш, шунингдек, пора бериш ва (ёки) олишда воситачилик қилиш, расмийтчиликларни соддалаштириш учун тўловларни олиш, ходим томонидан пора олиш ёки ҳуқуққа хилоф бошқа мақсадларда ўз хизмат мавқеидан ноқонуний фойдаланиш;

коррупцияга оид ҳуқуқбузарлик - коррупция аломатларига эга бўлган, содир этилганлиги учун Ўзбекистон Республикаси қонунчилиқ ҳужжатларида жавобгарлик назарда тутилган қилмиш;

коррупциявий хавф-хатар - Бош бошқарма тизими ташкилот ва корхоналари ходимлари ёки учинчи шахслар томонидан Бош бошқарма тизими ташкилот ва корхоналари номидан ва (ёки) уларнинг манфаатларини кўзлаб коррупциявий хатти-ҳаракатларни содир этиш эҳтимоли ва хавфи;

ходимнинг шахсий манфаатдорлиги - Бош бошқарма тизими ташкилот ва корхоналари ходими томонидан ўз хизмат вазифаларини бажариш чоғида унинг яқин қариндоши ёки ходимга алоқадор бўлган шахслар томонидан ходимнинг мансаб ёки хизмат мажбуриятларини лозим даражада бажаришига таъсир қилиши мумкин бўлган пул маблағлари, моддий ёки номоддий қимматликлар, бошқа мол-мулк, бойлик ва имтиёзлар кўринишида шахсий наф олиш имконияти (шахсий, ижтимоий, молиявий, сиёсий ва бошқа тижорат ёки нотижорат манфаатлари);

ходим - Бош бошқарма тизими ташкилот ва корхоналари билан меҳнат муносабатларига киришган шахс;

релевант хабар - коррупцияга оид ҳаракатлар ва (ёки) манфаатлар тўқнашуви ҳақидаги ахборотдан иборат бўлган хабар.

4. Бош бошқарма коррупцияга оид ҳаракатлар ҳақида ахборот бериш учун алоқа каналларининг ишини қуйидаги тамойиллар асосида ташкил этади: **фуқароларнинг ҳуқуқ ва эркинликларини ҳимоя қилиш** - Бош бошқарма жисмоний ва юридик шахсларнинг ҳуқуқлари, эркинликлари ва қонуний манфаатларини тан олади ҳамда ҳимоя қилади;

конфиденциаллик ва хавфсизлик - алоқа каналларидаги хабарлардан фойдаланишга рухсат берилган Бош бошқарма тизими ташкилот ва корхоналарининг барча ваколатли шахслари ушбу хабарларни ваколатга эга бўлмаган шахсларга бериш (ошкор қилиш)га ҳақли эмас. Бунда, агар мурожаатчи ўз хабарининг юборганлиги фактини бошқа ходимларга ёки учинчи шахсларга ўз хоҳишига кўра, жумладан, эҳтиётсизлиги натижасида ошкор қилган бўлса, Бош бошқарма тизими ташкилот ва корхоналари унинг махфийлигини таъминлаш бўйича жавобгар бўлмайди;

қонунийлик- Бош бошқарманинг алоқа каналларига келиб тушаётган хабарларни қабул қилиш, рўйхатга олиш, қайта ишлаш ва кўриб чиқиш қатъий равишда Ўзбекистон Республикаси қонунчилиги талабларига мувофиқ амалга оширилади;

келиб тушган барча хабарларни ўрганиш - Бош бошқарма Ўзбекистон Республикаси қонунчилигида назарда тутилган ҳоллардан ташқари барча олинган хабарларни тўлиқ (имкони борича), ҳар томонлама, холис ва ўз вақтида кўриб чиқирилишига кафолат беради;

мурожаатчининг таъқиб қилинмаслиги - алоқа каналлари орқали эҳтимоли бўлган ҳуқуқбузарликлар ҳақида ўз хоҳишига кўра хабар берган Бош бошқарма тизими ташкилот ва корхоналарининг ходими хабарнинг мазмунидан қатъи назар бирон-бир жавобгарликка тортилиши мумкин эмас;

мурожаатчи билан мажбурий қайта алоқа - агар хабар аноним бўлмаса, уни кўриб чиқиш натижалари Бош бошқарманинг ваколат берилган ходими томонидан мурожаатчига етказилиши лозим;

таъсир чораларини қўллашнинг мажбурийлиги - коррупция факти тасдиқланган тақдирда Бош бошқарма айбдор шахсларни жавобгарликка тортиш учун Ўзбекистон Республикасининг қонунчилигига мувофиқ ҳаракат қилади.

2- боб. Коррупцияга оид ҳаракатлар ҳақида ахборот бериш учун алоқа каналлари

5. Хабар қуйидаги алоқа каналлари орқали юборилиши мумкин:

(61) 225-12-75 ёки (61) 225-17-52 телефон рақами орқали;

Telegram-канал [@kkavtojol_antikor_bot](https://t.me/kkavtojol_antikor_bot)

Бош бошқармага шахсан мурожаат қилиш;

Бош бошқарманинг расмий веб-сайти www.qqavtojol.uz

жойлаштирилган шакл ёки qoraqalpoqavtoyul@uzavtoyul.uz электрон почтаси;

Бош бошқарма тизими ташкилот ва корхоналари ходимлари ва улар девонхонаси телефон рақами;

раҳбар ёки бевосита ҳуқуқни муҳофаза қилувчи органлар (фақат Бош бошқарма тизими ташкилот ва корхоналари ходимлари учун);

мазкур Регламентда кўрсатилмаган бошқа алоқа каналлари.

6. Келиб тушган барча хабарларни ўрганиш мазкур Регламентда назарда тутилган ҳоллардан ташқари қабул қилиниши, рўйхатдан ўтказилиши ва кўриб чиқирилиши лозим.

7. Коррупцияга оид ҳаракатлар ҳақида хабар келиб тушганда алоқа каналларида хабарларни қабул қилаётган Бош бошқарманинг ваколатли ходими:

мурожаатчига @kkavtojol_antikor_bot Telegram-каналига мурожаат қилишни таклиф қилиши;

Бош бошқарма тизими ташкилот ва корхоналари келиб тушган хабарга жавоб бериш учун мурожаатчи билан боғлана олмасликлари ҳақида маълум қилиши;

Бош бошқарма тизими ташкилот ва корхоналари қўшимча зарур маълумот олиш имконияти мавжуд эмаслиги сабабли хабарни тўлиқ ва ҳар томонлама ўргана олмасликларини билдириши;

Мурожаатчи ўз арзидан воз кечганида - мазкур Регламентда назарда тутилган тартибда хабарни қабул қилиши шарт.

8. Бош бошқарма тизими ташкилот ва корхоналарининг алоҳида ишонч тармоқ/телефонлари орқали келиб тушган Бош бошқарма тизимидаги коррупцияга оид хабар қабул қилинганда, бундай хабарни қабул қилган ходим уни бир кунлик муддатда Коррупцияга қарши ички назорат бўйича бош мутахассисига кўриб чиқиш учун тақдим этиши лозим. Бундай хабар ҳақидаги ахборот Коррупцияга қарши ички назорат бўйича бош мутахассис томонидан 1-иловага мувофиқ шаклда Коррупцияга оид ҳаракатлар ҳақидаги хабарларни қабул қилиш реестрида бир соат ичида рўйхатга олинади.

3-боб. Алоқа каналлари орқали келиб тушаётган хабарларни қабул қилиш ва рўйхатга олиш

9. Коррупцияга оид ҳаракатлар ҳақидаги хабарларни қабул қилаётган ходим мурожаатчидан қуйидаги маълумотларни имкони борича аниқлаштириши лозим:

Бош бошқарма тизими ташкилот ва корхонаси ҳамда унинг таркибий тузилмаси ҳақида;

ҳуқуқбузарлик содир этилган, содир этилаётган ёки содир этилиши мумкин бўлган вақтинчалик давр ва унинг мунтазамлиги (такрорланувчи, бир марталик);

ҳуқуқбузарликнинг қисқача тавсифи (жумладан, маълумотлар, аниқ муҳим фактлар ва ҳолатлар, аҳамиятга молик ўхшашликлар, эҳтимоли бўлган сабаблар);

гумонланувчи ва (ёки) дахлдор бўлган шахсларнинг лавозими ва Ф.И.О.; ҳуқуқбузарлик ҳақида билиши ва уни тасдиқлаши ва (ёки) хабар қилинаётган ахборотни тўлдириши мумкин бўлган Бош бошқарма тизими ташкилот ва корхоналари ходимларининг лавозими ва Ф.И.О.;

мурожаатчининг Ф.И.О. ва алоқа маълумотлари (ўзи истаганда қайта алоқага чиқиш учун).

4-боб. “Call-center” орқали келиб тушган хабарларни қабул қилиш ва рўйхатга олиш

10. (61) 225-12-75 ёки (61) 225-17-52 рақами орқали келиб тушган хабарларни қабул қилиш ва қайта ишлаш тартиби Бош бошқарма бошлиғининг буйруғи билан белгиланган тартибда амалга оширилади.

11. Агар “Call-center” орқали мурожаат қилган шахс ўз хабарини тасдиқлаш учун қўшимча материалларга, масалан, фотоматериаллар, ҳужжатлар, аудио ва видеоёзувларга эга бўлса, унда оператор уларни тақдим этиш бўйича фойдаланиладиган алоқа каналлари @kkavtojol_antikor_bot Telegram-канали ёки qoraqalpoqavtoyul@uzavtoyul.uz электрон почта)ни кўрсатади ва тақдим этилаётган ахборотнинг конфиденциаллигини билдиради.

12. Агар хабар релевант бўлса, оператор «edo.ijro.uz» тизимида мурожаатнинг тегишли тоифасини кўрсатади ва келиб тушган мурожаатни тезкорлик билан таҳлил қилиш ва кўриб чиқиш учун ижрочи сифатида коррупцияга қарши ички назорат бўйича бош мутахассисни танлайди.

13. Коррупцияга қарши ички назорат бўйича бош мутахассис «edo.ijro.uz» тизимида вазифа олганидан кейин бир соат ичида хабарни Реестрда рўйхатга олиши керак.

5-боб. Telegram-канали орқали олинган хабарларни қабул қилиш ва рўйхатга олиш

14. Хабар қайси Бош бошқарма тизими ташкилот ва корхонасига тегишли бўлишидан қатъи назар, @kkavtojol_antikor_bot Telegram-канали коррупцияга оид ҳаракатлар ҳақида ахборот бериш учун умумий алоқа канали бўлиб ҳисобланади.

15. Бош бошқарманинг Telegram-канали орқали келиб тушаётган хабарларни қабул қилиш учун коррупцияга қарши курашиш бўйича масъул ходими қабул қилади.

16. Агар мурожаатчи ўз хабарларини тасдиқловчи ҳужжатлар (аудио ва видеоёзувлар, фотосуратлар ва бошқалар)га эга бўлса, уларни Telegram даги хабарига қўшиб қўйиши мумкин.

17. @kkavtojol_antikor_bot Telegram-канали ёки qoraqalpoqavtoyul@uzavtoyul.uz электрон почта орқали Бош бошқарма тизими ташкилот ва корхоналари ходимлари томонидан коррупцияга оид хатти-ҳаракатлар тўғрисидаги хабар келиб тушганда Бош бошқарма тизимида коррупцияга қарши ички назорат бўйича бош мутахассиси мурожаатчи билан электрон ёзишма йўли билан ёки телефонда бир соат ичида зарур ахборотни аниқлаштиради ва хабарни Реестрда рўйхатга олади.

**6-боб. Шахсий (оғзаки) тартибда олинган хабарларни қабул қилиш
ва рўйхатга олиш**

18. Мурожаатчиларнинг коррупцияга оид ҳаракатлар ҳақида маълумотдан иборат бўлган хабарлари Бош бошқарма тизими ташкилот ва корхоналари ходимлари томонидан шахсан (оғзаки) қабул қилиниши мумкин.

19. Релевант хабар келиб тушганда хабарларни қабул қилаётган ходим уни қабул қилиши ва бир соат ичида хизмат хатини тайёрлаши ҳамда унда қуйидагиларни кўрсатиши лозим:

мурожаатчининг Ф.И.О.;

электрон почта ва қайта алоқа учун телефон;

хабар матни;

заруратга кўра илова қилинадиган қўшимча материаллар.

20. Хизмат хати электрон почта орқали Коррупцияга ички назорат бўйича бош мутахассисига юборилиши лозим.

21. Кўрсатилган алоқага чиқишга оид маълумотлар бўйича мурожаатчи билан такроран мулоқот қилиш чораларини кўриши керак.

22. Коррупцияга қарши ички назорат бўйича бош мутахассиси хабарни қабул қилиб олган ходимдан хабарни олганидан кейин бир соат ичида уни Реестрда рўйхатга олиши лозим.

**7-боб. Бош бошқарманинг расмий веб-сайтига жойлаштирилган шакл ва
электрон почта орқали олинган мурожаатларни қабул қилиш ва
рўйхатга олиш**

23. Бош бошқарманинг расмий веб сайтига жойлаштирилган шакл ва qoraqalpoqavtoyul@uzavtoyul.uz электрон почтаси орқали келиб тушаётган релевант хабарларни қабул қилиш Бош бошқарманинг ижро интизомини назорат қилиш бўйича бош мутахассиси томонидан амалга оширилади.

24. Бош бошқарманинг расмий веб-сайтига жойлаштирилган шакл ва qoraqalpoqavtoyul@uzavtoyul.uz электрон почтаси орқали релевант хабар келиб тушганда ижро интизомини назорат қилиш бўйича бош мутахассиси бир соат ичида уни коррупцияга қарши ички назорат бўйича бош мутахассисига ўтказиб юбориши керак.

25. Коррупцияга қарши ички назорат бўйича бош мутахассиси Бош бошқарманинг ижро интизомини назорат қилиш бўйича бош мутахассисидан хабарни олганидан кейин уни Реестрда рўйхатга олиши лозим.

8-боб. Ўзбекистон Республикаси Президентининг Виртуал қабулхонаси орқали олинган мурожаатларни қабул қилиш ва рўйхатга олиш

26. Ўзбекистон Республикаси Президентининг Виртуал қабулхонаси орқали релевант хабар келиб тушганда Бош бошқарманинг Ижро интизоми бўйича бош мутахассис олинган маълумотларни “edo.ijro.uz” тизимига рўйхатга олиш учун киритади.

27. Агар хабар релевант бўлса, оператор 30 дақиқа ичида “edo.ijro.uz” тизимида мурожаатнинг тегишли тоифасини кўрсатади ва ижрочи сифатида коррупцияга қарши ички назорат бўйича бош мутахассисини белгилайди.

28. Коррупцияга қарши ички назорат бўйича бош мутахассиси “edo.ijro.uz” тизимида топшириқ олганидан сўнг хабарни мазкур Регламентга 1-иловага мувофиқ шаклдаги Коррупцияга қарши ҳаракатлар ҳақидаги хабарларни қабул қилиш реестрда рўйхатга олиши лозим.

9-боб. Бош бошқарма ходимлари ва девонхонанинг телефони орқали келиб тушган хабарларни қабул қилиш ва рўйхатга олиш

29. Мурожаатчиларнинг коррупцияга оид ҳаракатлар ҳақидаги хабарлари Бош бошқарма ходимлари томонидан иш телефони, шунингдек, девонхонанинг телефони орқали ҳам қабул қилиниши мумкин.

30. Бош бошқарма ходими ёки девонхонага қўнғироқ қилинганда ходим мурожаатчининг хабарини қабул қилиши ва ундан қуйидаги маълумотларни олиши керак:

муурожаатчининг Ф.И.О.;

қайта алоқа учун электрон почта ёки телефон;

хабар матнининг ўзини белгилаб олиши;

заруратга кўра қўшимча илова қилинадиган материаллар.

31. Бош бошқарма ходими хабарни қабул қилиб олган пайтдан бошлаб 30 дақиқа ичида мазкур Регламентнинг 30-бандида санаб ўтилган маълумотларни кўрсатиб хизмат хатини тайёрлайди ва олинган маълумотни коррупцияга қарши ички назорат бўйича бош мутахассисига ўтказди.

32. Агар хабарда зарур ахборот тўлиқ бўлмаса, коррупцияга қарши ички назорат бўйича бош мутахассиси бир соат ичида боғланиш учун кўрсатилган маълумотлар бўйича муурожаатчи билан такроран мулоқот қилиш чораларини кўриши керак.

33. Коррупцияга қарши ички назорат бўйича бош мутахассиси хабарни қабул қилиб олган ходимдан хабарни олганидан кейин бир соат ичида уни Реестрда рўйхатга олиши лозим.

10-боб. Ходимнинг раҳбарига келиб тушган хабарларни қабул қилиш ва рўйхатга олиш

34. Бош бошқарма тизими ташкилот ва корхоналари ходимларининг ўзларига маълум бўлган коррупцияга оид ҳаракатлари ҳақида ўзининг бевосита раҳбарига ёки коррупцияга қарши ички назорат бўйича бош мутахассисига хабар беришлари мумкин.

35. Узига бўйсунувчи ходимдан релевант хабарни олган Бош бошқарма таркибий бўлинмаси раҳбари хизмат хатини тайёрлаши ва унда қуйидагиларни кўрсатиши шарт:

ходимнинг Ф.И.О.;

Бош бошқарма тизими ташкилот ва корхонаси ва/ёки унинг таркибий бўлинмаси;

қайта алоқа учун электрон почта ёки телефон;

хабар матни;

заруратга кўра қўшимча илова қилинадиган материаллар.

36. Релевант хабарни қабул қилиб олган Бош бошқарма таркибий бўлинмаси раҳбари бир иш куни ичида олинган маълумотни электрон почта орқали коррупцияга қарши ички назорат бўйича бош мутахассисига юборади.

37. Агар хабарда зарур ахборот тўлиқ бўлмаса, коррупцияга қарши курашиш ички назорат бўйича бош мутахассиси бир соат ичида кўрсатилган алоқага чиқишга оид маълумотлар бўйича мурожаатчи билан такроран мулоқот қилиш чораларини кўриши керак.

38. Коррупцияга қарши ички назорат бўйича бош мутахассиси хабарни қабул қилиб олган ходимдан хабарни олганидан кейин бир соат ичида уни Реестрда рўйхатга олиши лозим.

11-боб. Коррупцияга оид ҳаракатлар ҳақидаги хабарларни кўриб чиқиш

39. Коррупцияга қарши ички назорат бўйича бош мутахассисига келиб тушган барча хабарлар ушбу бўлимнинг ходимлари томонидан кўриб чиқирилиши керак.

40. Хабар келиб тушганда коррупцияга қарши ички назорат бўйича бош мутахассиси унинг релевантчилигини таҳлил қилади, яъни хабарда кўрсатилган маълумот коррупцияга оид ҳуқуқбузарликка ва (ёки) манфаатлар тўқнашувига тегишлилигини текширади.

41. Мазкур Регламентнинг 40-бандида назарда тутилган хабарни таҳлил қилиш натижаларидан қатъий назар, бу ҳақдаги ахборот Реестрда киритилади.

42. Агар коррупцияга қарши ички назорат бўйича бош мутахассиси хабар релевант эмас деган хулосага келса, бу хабар бир соат ичида Бош бошқарманинг масъул бўлинмасига ўтказилиши лозим.

43. Агар хабарда коррупцияга оид ҳаракатлар ва (ёки) манфаатлар тўқнашуви ҳақида маълумот бўлмаса ҳамда хизмат текшируви ўтказиш учун етарли асослар бўлса, коррупцияга қарши ички назорат бўйича бош мутахассиси ички идоравий ҳужжатда белгиланган тартибда хизмат текшируви ўтказиш ташаббуси билан чиқади.

44. Релевант хабарларни мазмунан кўриб чиқиш Бош бошқармага келиб тушган кундан эътиборан 30 кун ичида, қўшимча ўрганиш ва (ёки) текшириш, қўшимча ҳужжатларни сўраб олиш талаб этилганда эса, Бош бошқарма бошлиғининг розилиги билан узайтирилиши мумкин.

Релевант хабарларни кўриб чиқиш натижаларига кўра ўрганиш натижалари ва қўлланилган таъсир чоралари кўрсатилган жавоб хати тайёрланади ва мурожаат қилган шахсга юборилади (кўрсатилган алоқа маълумотлари бўйича ёзма ёки электрон шаклда).

45. Мурожаатга жавоб Коррупцияга қарши ички назорат бўйича бош мутахассиси томонидан тайёрланади.

46. Telegram-канал орқали келиб тушган хабарга жавоб мурожаатчига электрон шаклда Telegram-канал ва (ёки) кўрсатилган алоқа маълумотлари орқали юборилади.

12-боб. Ҳисобот

47. Коррупцияга қарши ички назорат бўйича бош мутахассиси доимий асосда (ҳар чоракда) кўриб чиқиш учун Бош бошқарма бошлиғига, Бош бошқарманинг коррупцияга қарши курашиш ҳамда унинг олдини олиш юзасидан махсус ишчи гуруҳига тақдим этиладиган коррупция масалаларида келиб тушган хабарлар ҳақидаги ҳисоботларни, шу жумладан, ахборот бериш каналлари, хабарлар тури, тасдиқланган фактлар сони, кўрилган чоралар ва ҳ.к.ни шакллантиради.

13-боб. Яқуний қоидалар

48. Мурожаатчилар ва ходимлардан хабарларни мазкур Регламентга мувофиқ қабул қиладиган Бош бошқарма тизими ташкилот ва корхоналарининг ходимлари мазкур Регламент талабларига риоя этилиши учун шахсан жавобгар бўладилар.

49. Мазкур Регламентни бузганлик учун жавобгарлик чоралари Ўзбекистон Республикаси қонунчилиги ва Бош бошқарма тизими ташкилот ва корхоналарининг ички ҳужжатларида белгиланган асослар ва тартибда қўлланилади.

**Қорақалпоғистон Республикаси автомобиль йўллари бош
бошқармасининг коррупцияга оид ҳаракатлар тўғрисида
ахборот бериш учун алоқа каналлари орқали келиб
тушган хабарларни қабул қилиш ва қайта ишлаш
регламентига
ИЛОВА**

**Коррупцияга қарши ҳаракатлар ҳақидаги хабарларни қабул қилиш электрон реестрининг
НАМУНАВИЙ ШАКЛИ**

№	Хабар келиб тушган сана	Хабар келиб тушган канал	Мурожаатчининг Ф.И.О.	Богланиш учун маълумотлар	Хабар тегишли бўлган Бошқарма tizими ташкilot ва корхоналари	Бош бошқарма tizими ташкilot ва корхоналари таркибий бўлинмаси	Тонфа*	Хабар мазмуни	Кўриб чиқиш натижаси**	Мурожаатчи билан кайта алоқага чиқиш (санаси а формати)	Изоҳ

* 1 - коррупцияга оид ҳуқуқбузарлик, 2 - манфаатлар тўқнашуви, 3 - релевант эмас.

** Агар кўрмасдан қолдирилган бўлса, «кўрмасдан қолдирилган» деб ёзиб қўйиш. Агар хизмат текшируви тайинланган бўлса, буйруқ раками ва санасини кўрсатиш керак. Агар тегишли бўлинмага юборилган бўлса, бўлинмани кўрсатиш керак.